

正行集

西京寶應寺沙門釋 清覺述

九君子者不在乎貴不在乎賤不在乎貧不  
在乎富唯在乎行也君子之體德行以成之  
孝敬以加之故其廣固貞淨世莫得焉其廣  
也如海其固也如山其貞也如松其淨也如

水如海之廣者深不可量關不可測滅之不  
降添之不盈潭之不能使其濁穢之不能改  
其清亦乃隱於珠懷其寶浩渺廓落無不納  
焉如山之固者高而不危久而不朽移之不  
動搖之不傾幽靜不能使其絕塵埃不能合  
其有亦乃隱於賢藏於仙崎嶇曠逸無不產

焉如松之貞者榮枯莫知蒼翠長在霜雪不  
能令其凋冬夏不能變其色如水之淨者澗  
澗各色平澹自然鑑物不能遁其形潤澤不  
能踰其利九君子者寬宏大量高識遠見理  
其性靜其神修其德蘊其行以教以緒無纖  
無恣不侮不驕絕毀絕譽不彰他人之過不

行自己之非和其光而同其塵薦其賢而任  
其德禮無不恭事無不從孝無不順義無不  
忠肅察智慧審別賢愚不以多求而亂心不  
以貪暴而害己不以塗炭而樂禍不以忘舊  
而逐新故任道而含弘常堅心而守志此四  
者大人君子之要道也又須行同日月量比

山川順四時合萬物行同日月者使之無偏  
照量比山川者使之無遷改順四時者使之  
有期信合萬物者使之知動靜故曰君子有  
德四方美之郡守有德百姓欽之鄉閭有德  
衆人仰之家尊有德門風顯之  
皇天無親惟德是輔如蓬生於麻中不扶而

自直如蘭雜於蕪芳不待薰而自馨不以利  
己而損人不以非他而自是以卑人而自  
尊不以輕人而自重不以非道而交友不以  
結怨而讎人不窺無義之財不受無功之賞  
施恩而不望報報恩而恨不深故書云臨之  
以財則見其廉近之以色則見其貞告之以

危則見其勇醉之以酒則見其態莊子曰遠  
使之而觀其忠近使之而觀其敬煩使之而  
觀其能卒問之而觀其智急期之而觀其信  
寵貴之人觀其不驕奢榮顯之人觀其不矜  
誇少者觀其恭敬好學者觀其廉潔務行老  
者觀其思慎而不逾父子之間觀其慈孝兄

弟之間觀其和友鄉閭之間觀其信義君臣  
之間觀其忠惠是故慎初護末砥名礪行邪  
正不變其心反覆不改其志臨下以寬居上  
不危如此則可為廊之材求免愆瑕矣

四十八等

聖人則天法地 賢人杳冥難測

道人心無滯碍 覺人知其本性

捨人知無便與 戒人察其罪福

忍人口無過失 進人修無懈怠

定人心無散亂 智人遠於機變

義人推功讓德 審人視聽不非

政人公道不私 省人非財不納

安人心無異動 隱人道世育德

恭人禮度不虧 敬人尊上愛下

信人言無反覆 謹人不越禮度

寬人臨下不危 深人遠見未萌

善人內行不嗔 行人好述善事

謀人深知遠見 忠人事君盡節

讓人薦賢任能 儉人節用不費  
孝人奉侍不聞 明人不處暗事  
辯人不納閑詞 學人親近知識  
慈人心無殺害 富人濟貧惠物  
貴人敬佛重僧 達人貪五慈  
清人不染俗塵 靜人覺意知空

大人包心天地 好人舉善薦賢  
愚人不知慚耻 癡人不鑑名賢  
頑人不懼公法 惡人常好殺生  
濁人不分明白 俗人貪財戀色  
逆人不孝父母 小人不識尊卑  
九君子立身為人無逾此四十八等但以大

道合其體則是聖人賢人之倫若孝不行於  
家慈不行於己恩不行於親惠不及於人義  
不施於友忠不施於國勇不救於危謀不信  
於善寬不臨於下明不審於事見非親而親  
者諛也見親貧而踈者逆也背善向惡謀陷  
忠良親附小人不近君子者此乃上天不容

之物何足言之賢者欽於德愚者重於財綺  
羅華飾者須知有布素之衣珍殮玉食者須  
知有糟糠之饌雕牆峻宇者須知有茅茨之  
室積粟千鍾者須知有斗筲之儲榮官大爵  
者須知有冤屈之害安居樂處者須知有驅  
役之勞躍馬揮鞭者須知有負擔之苦人有

危困急難當須救之不可坐看成敗見危不  
救者非人也不自知足者非人也見貧不濟  
者非人也施恩望報者非也不改已過者  
非人也輕上慢下者非人也為貴欺賤者非  
人也取佞害人者非也在公納私者非人  
也不孝父母者非也不友兄弟者非人也

不和六親者非人也。不樂好事者非人也。夫  
人須通三才懷六藝志四方具五美斷四惡  
除三惑思九畏知四懼莫睡眠演胎息慎言  
語節飲食此乃謹身節用之本也。又須立彼  
四門成其美事。君立忠門事父母立孝門  
事朋友立義門事師長立謹門忠門謂見危  
致命也。孝門謂色養恭敬也。義門謂心無遷  
改也。謹門無所懈怠也。

三教之說其義一同

儒教則仁義禮智信歸於忠孝君父焉

釋教則慈悲救苦歸於化誘羣迷焉

道教則寂然恬澹歸於無貪無愛焉

三十卷

是故三教之言可守而尊之尋而究之既洞  
其微達其源自然得聖人賢人之道善人君  
子之行也。如此則佐國何憂乎陰陽不順風  
雨不時百姓不安人民不泰治家則何憂乎  
兄弟不睦六親不和禮樂不行上下不正余  
為此集不敢深其意飾其詞所貴匡導盲俗  
垂千後世言之不足故為講以申之

讚曰

美哉君子 惟善則履

不識其嗜 行不逾經

靖默端莊 高導深旨

披心求理 貧則自樂

嗟乎斯人 實不容易

存忠存孝

言不逾史

向善背惡

富亦好義

正行集終

白雲宗宗主臣僧明仁承奉

都功德使司制付皇慶元年十月二十八日

拜住怯薛第一日

嘉禧殿內有時分對速古兒赤那懷怯里馬赤

羅察兒同知觀音奴等有來本司官大司

徒都功德使董真吃刺思張都功德使副

使阿里牙吞思

特奉

聖旨沙刺巴譯來的藥師儀軌藥師供養法更白雲

和尚初學記德行與省部文書交江浙省

白雲宗開板印了呵都交大藏經裏入去

者麼道

聖旨了也欽此已蒙 中書省移咨行省欽依

行下各路去訖 臣僧明仁肅恭

寵命就大慈隱寺命工鑿梓印造欽依入藏

流通所集洪因端為祝延

皇帝萬萬歲

皇太后睿算齊年

皇后同壽萬年

太子諸王千秋文武官僚常居祿位更與

國泰民安兩賜時若

佛日增輝法輪常轉者

皇慶二年四月 日僧明仁謹題

鷄岳八幡宮

正行集

校勘記

一 底本，元普寧藏本。此經僅元普  
寧藏本收錄，無校。